

Iluarsiissut

Siunnersuut 27. marts 2026-meersup taarserpaa

(Siunnersuutip qulequtaa qulequttallu nassuiaataani oqaaseqatigiinniik naqinnerliukkanillu iluarsiisoqarpoq)

Uunga siunnersuut:**Atuarfik pillugu Inatsisartut Inatsisaata allangortinneqarnera pillugu Inatsisartut Inatsisaat**

(Nukarlerni atuartitsissutit ikinnerusut, atuartitsissutit qanitariinnut aamma ilitsoqqussaralugu oqaatsinik ilinniartitsinermik allanguineq kiisalu inuussutissarsiornermi klassit pillugit aaqqissuussinerit)

§ 1

Namminersorlutik Oqartussat nalunaarutaat nr. 19, 27. april 2023-meersoq naapertorlugu atuarfik pillugu Inatsisartut inatsisaanni makku allangortinneqarput:

1. § 8, imm. 1, ima oqaasertalerneqassaaq:

” Ukioq atuarfiusoq 1. august aallartittassaaq, nukarlerni ullut atuarfiusussat 180-iniit 200-nut amerlassuseqassallutik kiisalu akullerni angajullernilu ullut atuarfiusussat 200-niit 240-nut amerlassuseqassallutik. Ullut atuarfiusussat sapaatip-akunnerata ulluini siullerni tallimani imaluunniit ulluini siullerni arfinilinni pisassapput. ”

2. § 10, imm. 1 imatut oqaasertalerneqassaaq:

” Atuartitsissutinut ataasiakkaanut immikkoortiterilluni aamma immikkoortiterinani - atuartitsineq pissaaq, tak. §§ 11 - 13 atuartitsissutit qanitariissut makku iluanni:

1) oqaatsinut ilaapput ”kalaallit oqaasii”, ”qallunaat oqaasii”, ”tuluit oqaasii” kiisalu ”allamiut oqaasii oqaatsit pingajuattut”,

2) kulturimut inuiaqatigiinnullu ilaapput ”inuiaqatigiilerineq”, ”oqaluttuarisaaneq” aamma ”upperisalerineq isumalioqqissaarnerlu”,

3) matematikkimut pinngortitamullu ilaapput atuartitsissutit ”matematikki” aamma ”pinngortitalerineq”,

4) inuunerinnermi ilaapput atuartitsissutit ”inuunerinneq” aamma ”timersorneq silamilu sammisaqartarneq”, aamma

5) mernguernartulerinnermut ilaapput atuartitsissutit ”angerlarsimaffimmi suliasanik ilinniarneq”, ”nipilersorneq” tassani ilaallutik erinarsorneq, aalaneq aamma isiginnaartitsineq, ”eqqumiitsuliorneq” tassanilu ilaallutik illuliortaaseq aamma ”assassorluni suliasat ilusilersuinerlu”, tassani ilaallutik sananeq aamma assassorneq, taamaattorli tak. imm. 2.”

3. § 10-mi imm. 1-ip kingorna nutaatut immikkoortoq ilanngunneqassaaq:

” Imm. 2. Nukarlerni mernguernartulerinerup iluaniippat atuartitsissut ”pilersitsinermik atuartitsissut”, tassani atuartitsissutit ataatsimoortillugit “nipilersorneq” tassani ilaallutik erinarsorneq, aalaneq aamma isiginnaartitsineq, ”eqqumiitsuliorneq” tassanilu ilaallutik illuliortaaseq aamma ”assassorluni suliasat ilusilersuinerlu”, tassani ilaallutik sananeq aamma assassorneq atuartitsissummi ataatsimi katersorneqartut.”

Imm. 2-8 taamaalillutik imm. 3-9-nngussapput.

4. § 11, imm. 2 imatut oqaasertalerneqassaaq:

” Imm. 2. Nukarlerni atuartitsissutit qanitariissut ukuupput:

- 1) oqaatsit, ”kalaallit oqaasii”, ”qallunaat oqaasii” aamma ”tuluit oqaasii”,
- 2) matematikki atuartitsissut ”matematikki”,
- 3) inuunerinnermi ilaallutik atuartitsissutit ”inuunerinneq” aamma ”timersorneq silamilu sammisaqartarneq”, aamma
- 4) mernguernartulerinerup iluaniippat atuartitsissut ”pilersitsinermik atuartitsissut”.

5. § 11-mi imm. 2-p kingorna immikkoortoq nutaaq una ilanngunneqarpoq:

” Imm 3. Atuartitsissutit ”qallunaat oqaasii” aamma ”tuluit oqaasii” oqaatsinut aallarniutitut neqeroorutigineqarput.”

Imm. 3 taamaalilluni imm. 4-nngorpoq.

6. § 12, imm. 1, oqaasertalerneqassaaq imatut:

”Akullerni atuartitsissutit qanitariissut ukuupput:

- 1) oqaatsit ilaallutik atuartitsissutit ”kalaallit oqaasii”, ”qallunaat oqaasii” aamma ”tuluit oqaasii”,
- 2) kulturimut inuiaqatigiinnullu, ilaapput inuiaqatigiilerineq”, ”oqaluttuarisaaneq” aamma ”upperisalerineq isumalioqqissaarnerlu”,
- 3) matematikkimut pinngortitamullu ilaapput atuartitsissutit ”matematikki” aamma ”pinngortitalerineq”,
- 4) inuunerinnermi ilaapput atuartitsissutit ” inuunerinneq” aamma ”timersorneq silamilu sammisaqarneq”, aamma
- 5) mernguernartulerinerup iluaniippat atuartitsissutit ”angerlarsimaffimmi suliasanik ilinniarneq”, ”nipilersorneq” tassani ilaallutik erinarsorneq, aalaneq aamma isiginnaartitsineq, ”eqqumiitsuliorneq” tassanilu ilaallutik illuliortaaseq aamma ”assassorluni suliasat ilusilersuinerlu”, tassani ilaallutik sananeq aamma assassorneq.”

7. § 13, imm. 1 imatut oqaasertalerneqassaaq:

” Angajullerni atuartitsissutit qanitariissut ukuupput:

- 1) oqaatsit ilaapput atuartitsissutit ”kalaallit oqaasii”, ”qallunaat oqaasii” aamma, ”tuluit

- oqaasii” kiisalu toqqarneqarsinnaasutut ”allamiut oqaasii oqaatsit pingajuattut”,
- 2) kulturi inuiaqatigiillu ilaapput atuartitsissutit ”inuiaqatigiilerineq”, ”oqaluttuarisaaneq” aamma ”upperisalerineq isumalioqqissaarnerlu”,
- 3) matematikki pinngortitarlu, ilaapput atuartitsissutit ”matematikki” aamma ”pinngortitalerineq”,
- 4) inuunerinnermi ilaapput atuartitsissutit ”inuunerinneq” aamma ”timersorneq silamilu sammisaqarneq”, aamma
- 5) mernguernartulerinnermi ilaapput atuartitsissutit ”angerlarsimaffimmi suliassanik ilinniarneq”. ”

8. § 13-ip kingornagut ilanngunneqarpoq:

”Inuussutissarsiornermi klassit

§ 13 a. Kommunalbestyrelsi Naalakkersuisunut qinnuteqareernermi akuerineqareernermilu kingorna 9. aamma 10. klassinut taarsiullugu inuussutissarsiorneq pillugu 9. aamma 10. klassimik ingerlatitsisinnaavoq. Inuussutissarsiornermi klassi taamaattoq atuartunut 10. klassip kingorna inuussutissarsiornermi ilinniarniarlutik siunertalinnut faginilu piumasagaatinut angusinnigitsunut imaluunniit inuussutissarsiornermut ilinniarnermut isernissamut nalornissuteqartunut siunnerfeqassaaq, takuuk Inuussutissarsiuutinik ilinniartitsinerit aamma inuussutissarsiuutinik ilinniartitsinerup iluani pikkorissaanerit pillugit Inatsisartut inatsisaat.

Imm. 2. Inuussutissarsiornermi klassit imatut aqqissuunneqassapput, ukioq kaajallallugu ingerlasussatut aammalu atuartitsinermi piffissaritinneqartoq § 7 imm. 2-mi, oqaaseqatigiit pingajuani malittarisassat malissallugit, taamaattorli tak. §13 b, imm. 1.

Imm. 3. Atuartoq inuussutissarsiornermi klassimi ingerlaqqikkusunngikkuni malittarisassat nalinginnaasut malillugit klassemi atuartitsinertalimmik atuartoq neqeroorfineqassaaq.

§ 13 b. Inuussutissarsiornermi klassinik aqqissuussinermi atuartitsinermit ilaapput atuartitsissutit ”kalaallit oqaasii”, ”qallunaat oqaasii”, ”tuluit oqaasii” aamma ”matimatikki” meeqqat atuarfiannik inaarutaasumik naliliinerup naammassineqarnissaanik periarfissaqartoq. Kommunalbestyrelsip aalajangersinnaavaa, faginik allanik attuumassuteqartunik atuartitsisoqassasoq.

Imm. 2. Inuussutissarsiornermi klassinik aqqissuussinermi 9. aamma 10. klassi pinngitsoorani ingerlanneqartussa, inuussutissiornermut sammisumik atuartitsissutinik ingerlatanillu ataqatigiissinneqassaaq inuussutissarsiuutinut assigiinnigitsunut aallarniuteqartitsisunik aamma ikaarsaartitsinikkut suliffimmillu sungiusarnikkut misileraanissamut periarfissaqartitsisoq.

Imm. 3. 10. klassi naammassineqarnerani § 22, imm. 4 aamma 5 naapertorlugit, nalilersuineq ingerlanneqartarpoq aamma soraarummeernermit allagartaq sularineqartarluni. Atuartup ilinniartitsisutullu sulisup akornanni, atuartup suliffimmi sungiusarluni misiliinermit atuartitsinermit ilikkakkat misilittakkallu pillugit inaarutaasumik

oqaloqatigiissutigineqartassaaq.

§ 13 c. Inuussutissarsiornermi klassinik ingerlataqarnissamik neqerooruteqarnissaq pillugu kommunalbestyrelsip aalajangiinerani minnerpaamik qitiusumik atuarfimmik ataatsimik imaluunniit inuussutissarsiorneq pillugu ilinniarfimmik neqerooruteqartumik ilinniarfeqarfimmik allamik kommunalbestyrelsip isumaqatigiissuteqarnissaa tunngavigineqassaaq.

Imm. 2. Qitiusumik ilinniarfimmik isumaqatigiissuteqarnikkut atuartut tiguneqarsinnaasut amerlassusissai kiisalu inuussutissarsiornermi klassemut tiguneqarnissamut piumasaqaatit suut tunngavigineqassanersut pillugit kommunalbestyrelsi aalajangersaassaaq.

Imm. 3. Suliffeqarfinni suliffimmi sungiusarnermik aamma ilinniarfeqarfinni sulinermik atuartitsinerit ingerlanneqarnerinik kommunalbestyrelsi nakkutiginnissaaq.

§ 13 d. Inuussutissarsiornermi klassit pillugit malittarisassanik erseqqinnerusunik Naalakkersuisut aalajangersaasinnaapput, tassunga ilanngullugit nalunaarneq, peqataaneq peqataajunnaarnerlu, atuartitsinerup aaqqissuunnera, atuartitsinerup imaa, suliffimmi sungiusarnerup aamma sulinermik atuartitsinerup ingerlanerata imarisaanut aaqqissuunnerinillu piumasaqaatit, suliffimmik sungiusarfimmut piumasaqaatit, sulinermik atuartitsinermik ingerlatsineq pillugu kommunalbestyrelsip ilinniarfeqarfiullu akornanni isumaqatigiissuteqarneq kiisalu inaarutaasumik nalilersuilluni oqaloqateqarneq.”

9. § 17 imatut oqaasertalerneqassaaq:

” **§ 17.** Atuartut kalaallisut ilitsoqqussaralugu oqaaseqanngitsut ilitsoqqussaralugu oqaatsiminnik atuartitaanissaminnik neqeroorfigineqarsinnaapput.”

10. § 35, imm. 4-mi aamma § 43, imm. 2-mi, oqaaseqaat pingajuanni, ”§ 10, imm. 8” ima allanngussaaq: ”§ 10, imm. 9”.

11. § 53, imm. 2-mi ”§ 10, imm. 6” ima allanngussaaq: ”§ 10, imm. 7”.

12. § 53, imm. 3 aamma 4 allanngortinneqarput ”§ 10, imm. 6 aamma 7” ima allanngussaaq: ”§ 10, imm. 7 aamma 8”.

§ 2

Inatsisartut inatsisaat atortuulissaaq ulloq 1. august 2026, taamaattorli tak. imm. 2.

Imm. 2. Inatsisartut inatsisaanni § 1, nr. 1-7 aamma 9 ulloq 1. august 2027-mi aallarnerfigalugu atuutilissapput.

Kalaallit Nunaanni Namminersorlutik Oqartussat, ulloq xx. xxx 2026

Naalakkersuisut Siulittaasuat